



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.47. Monasterium Fuldense fundatur.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII. A. C. 744. nasterium, addens; *Quod nemo bucu-*  
*que in parte Orientali Regni tui mol-*  
*tus est.*

Carolomannus hunc locum, spatiumque quater mille passuum in circuitu lubenti animo S. Viro concessit, & conscriptis donationis litteris viros nobiles illius Regionis convocavit, quos suo hortatu permovit, ut quisque illa omnia, quæ in loco ad fundandum Monasterium definito possidebat, Deo donaret.

## §. XLVII.

*Monasterium Fuldense fundatur.*

Igitur S. Sturmus septem aliis Monachis adjuvantibus prima hujus Monasterii fundamenta posuit, anno post fundatam Hirsfeldam nono, salutis humanæ septingentesimo quadagesimo quarto, Indictione duodecima, die mensis primi, id est Martii, duodecimo. Elapsi bimestri adfuit ipse S. Bonifacius cum magno artificum numero, qui in terra excolenda & ædificanda Ecclesia operam Monachis addixerunt; sed & ipsi manibus suis laborabant, & sibi ipsis ministrabant. Vir Sanctus Bonifacius ad montem vicinum, quem ideo *montem Episcopi* appellarunt, divertere solebat, ut orationi vacaret.

Cum anno sequente illo rediisset, novellis Monachis plurima vitæ asceticæ præce



præcepta dedit, & compulit ut promit-  
terent, se nec vino, nec quocunque alio  
potu, qui ebrietatis causa esse possit, esse  
ufuros, excepta levi cerevisia. Ceterum  
S. Sturmium iisdem Abbatem præfecit,  
& singulis annis, quamdiu per valetudi-  
nem licuit, ad eos invisit. Hoc Mona-  
sterium a Fulda amne, in cuius ripa con-  
ditum est, nomen accepit.

In eo S. Benedicti vigeat Regula,  
quam ut perfectius observarent, consi-  
lium ceperunt Monachi ad celeberrima  
Monasteria aliquos ex gremio suo mit-  
tendi, qui eorum consuetudines & Regu-  
lam servandi modum discerent; atque  
hanc provinciam S. Bonifacius S. Stur-  
mio commisit. Qui iter capessens cum  
duobus fratribus anno a Monasterio con-  
dito quarto, id est septingentesimo qua-  
dragesimo septimo, Romam venit, om-  
nia Italiæ Monasteria, & inter cetera  
Montem Cassinum lustravit, & annum  
integrum in isto itinere consumpsit. Ad  
suos deinde reversus Congregationem  
Fuldensem secundum illam Disciplinam,  
quam optimam judicaverat, instituit.  
Monachorum numero in dies crescente,  
multisque non se ipsos modo, sed etiam  
facultates suas afferentibus, hujus fun-  
dationis fama ad remotissima Monaste-  
ria pervenit. S. Sturmius, priusquam  
vita exiret, Monachos ibi quadringentos

L 4

non 326.

Sæcul. VIII.  
A C. 744.*vit. S. Liobæ*  
c. 10. to. 4.  
*Act. p. 251.**vit. S. Greg.*  
*Traj. n. 10.*  
*to. 4. Act. p.*  
*326.*



Sæcul. VIII.  
A. C. 744.  
non computatis Novitiis, aliisque, quorum maximus erat numerus, ingenti solatio vidit. (\*)

§. XLVIII.

*S. Lioba &c.*

*vit. tom. 4.  
Abt. p. 249.*

*ap. Bonif.  
ep. 36.*

Sanctus Bonifacius Virginum quoque Monasteria in Germania fundavit, qua in re adjutricem habuit egregiam S. Liobam ex Gente Anglorum, propinquam suam. Hæc ab unguiculis Deo consecrata, & in Monasterio Winburnensi Tettæ Abbatissæ Disciplinæ tradita, manuum labori & multo magis lectioni se totam dedit, atque usque adeo docta evasit, ut versus Latinos scriberet, qua in exercitatione Sanctam quamdam Virginem, nomine Edburgam, Magistram habuit. Id ipsa nos docet in Epistola ad S. Bonifacium data, cujus hoc est initium: *Rogo te, ut amicitia memineris, qua iungebaris parenti meo, ante annos octo defuncto, atque ores Deum pro anima ejus, & pro anima matris meæ cognatæ tuæ, quæ adhuc dum in vitæ cum morbo pertinaci conflictatur. In tota ejus familia nemo est, a quo tantum auxilii;*

(\*) Celeberrimæ hujus Abbatissæ Præfules & S. R. Imp. Principes Summus Pontifex Benedictus XIV. ad Dignitatem Episcopalem anno 1752. evexit.